

香港紅十字會 醫護服務部

五星健康五星家

地區伙伴健康快訊



新年度，新方向

不經不覺，地區伙伴健康快訊已陪伴大家渡過33個月頭，為大家介紹咗好多不同種類嘅健康課題。但大家對於背後製作嘅「五星健康五星家」又認識幾多呢？今期一於同大家睇睇佢地點樣介紹自己啦！

「五星健康五星家」團隊之聊天室 ☆

服務幹事
阿森



09:40am ✓✓ 咦？！地區伙伴健康快訊又有新形象咯！

經理Eric



係呀阿森！大家好！自我介紹先！我係香港紅十字會「五星健康五星家」社區健康教育計劃嘅經理Eric，**每年四月份開始係本會一個新年度**，所以地區伙伴健康快訊由今個月開始都再次以全新面貌示人，介紹一下我地個計劃黎緊呢一年嘅新方向！


09:45am ✓✓



新主題？你睇張相就知我地本來嘅服務已經好受居民歡迎架喇咯！點解仲要有新主題呀？



服務幹事
阿森



09:46am ✓✓

部門主管
陳姑娘



因為我地個計劃剛喺上年度踏入十周年，而家正進行檢討，希望策劃未來發展嘅方向，**讓計劃更切合社區需要同世界醫療發展趨勢**。所以今年「五星健康五星家」除繼續以傳染病、家居安全為主題外，仲計劃會加入一個新主題，就係「非傳染病」系列！



09:47am ✓✓



講得啱！「非傳染病」系列包括普遍嘅心臟病，例如冠心病、心肌梗塞、心律不正等。仲有中風嘅成因、徵狀、治療同護理架！

護士
何姑娘



09:49am ✓✓

「五星健康五星家」團隊之聊天室 ☆

經理Eric



而「非傳染病」系列除咗繼續有講座外，仲會推出全新展板同攤位遊戲架！地區伙伴可以因應需要，向我地免費借用相關嘅教材及申請相關嘅服務。由於服務一推出就好受歡迎，所以一般都係以「先到先得」嘅形式借出！大家要留意喇！



09:50am ✓✓

其實除咗以上提及過嘅新主題外，我地舊有嘅服務都會繼續架！就好似「長者急救工作坊」咁，一直都非常受地區伙伴同公眾人士歡迎。俾啲相大家睇下啦！



09:52am ✓✓

護士何姑娘



服務幹事
阿森



哇！你睇啲參加者上堂嘅時候幾投入！佢地咁俾心機上堂，一定學到好多野啦！如果大家對我地嘅服務有興趣！快啲同健康教育主任何姑娘聯絡喇！



09:53am ✓✓

無錯喇！我嘅聯絡電話係 3103 4067，電郵係 dorothy.ho@redcross.org.hk，大家亦可以去我地嘅網頁了解多啲我地嘅服務架！

http://www.redcross.org.hk/tc/community_healthcare/fivestars/intro_fivestar.html



護士何姑娘



09:54am ✓✓

部門主管
陳姑娘



大家講得啱呀！既然我地「五星健康五星家」咁受大家喜愛，你地就要俾心機工作，我會全力支持你地架！加油！ :)




09:55am ✓✓

好消息



www.facebook.com/HKRC_Health

香港紅十字會醫護服務部的Facebook專頁已開始正式運作。我們將通過不同的急救謬誤及生活冷知識，使急救及健康推廣變得更大眾化。當然，大家的支持亦是最重要的一步！現凡登入 Facebook 專頁 www.facebook.com/HKRC_Health 俾個  Like，可獲得精美可口可樂杯一隻！詳情可聯絡助理經理鄧先生，電話：3750 5582。

